

Na osnovu člana 11. Zakona o udruženjima i fondacijama („Sl. novine Federacije Bosne i Hercegovine“ broj: 45/02) i čl. 72 i 128. Statuta Općine Vogošća („Službene novine Kantona Sarajevo“, 3/09 – Novi prečišćeni tekst, 52/12 i 28/13), Općinski Načelnik donosi:

P R A V I L N I K
o načinu ostvarivanja materijalne podrške i kriteriji za
sufinansiranje boračkih udruženja, udruženja civilnih žrtava rata, udruženja
logoraša i udruženja nestalih osoba općine Vogošća

Član 1.

Ovim Pravilnikom reguliše se način ostvarivanja materijalne podrške iz Budžeta Općine Vogošća i kriterij za sufinansiranje budžetskih sredstava za boračka udruženja, udruženja civilnih žrtava rata, udruženja logoraša i udruženja nestalih osoba, općine Vogošća.

Član 2.

Udruženja iz ovog Pravilnika ostvaruju materijalnu podršku za redovne aktivnosti i projekte po javnom pozivu, a u cilju ostvarivanja javnog interesa Općine i njenih građana.

Uslov za sufinansiranje projekata iz sredstava budžeta je da se projekti odnose na oblasti:

IZGRADNJA I RAZVOJ LOKALNE ZAJEDNICE

- obilježavanje značajnih datuma,
- projekti koji ukazuju na značaj odbrambeno-oslobodilačke borbe iz perioda 92-95 i 41-45.

SOCIJALNA SIGURNOST I ZDRAVSTVENA ZAŠTITA, OBRAZOVANJE, SPORT, KULTURA I EKOLOGIJA

- projekti koji su stekli status tradicije, a koji su od interesa za Općinu Vogošća.

LJUDSKA PRAVA

- projekti vezani za pitanja ostvarivanja i zaštite ljudskih prava

Član 3.

Udruženje koje aplicira za dodjelu sredstava mora ispuniti sljedeće uslove:

- da je nosilac projekta, odnosno podnosilac aplikacije organizovan i registrovan u skladu sa pozitivnim zakonskim propisima, te da je prijava potpisana od strane ovlaštene osobe;
- da ima sjedište na području općine Vogošća;
- daje projekat namijenjen građanima općine Vogošća;
- da ima obezbjeđene tehničke uslove za realizaciju planiranih aktivnosti
- da je ispoljena racionalnost u korištenju ranije dodijeljenih sredstava i da su budžetska sredstva uredno i na vrijeme pravdana
- da ima uspostavljenu matičnu evidenciju (registar članova udruženja).

Član 4.

Budžetska sredstva iz člana 2. stav 2. Pravilnika dodijeljuju se za projekte i po prijavi na javni poziv koji objavljuje nadležna služba do 30. oktobra tekuće godine za narednu godinu.

Javni poziv se objavljuje na oglasnoj ploči Općine Vogošća, putem WEB stranice, a može se objaviti preko RTV-a Vogošća i sredstava informisanja.

Javni poziv sadrži:

- pravo učešća,
- šta projekat treba da sadrži,
- način prijave
- rok podnošenja aplikacije.

Neblagovremene i nepotpune aplikacije neće se uzimati u razmatranje.

Član 5.

Prispjele projekte, po prijavi, razmatra nadležna općinska služba, koja utvrđuje prijedlog projekata za sufinansiranje iz Budžeta. Odluku o dodjeli sredstava donosi Načelnik Općine.

Član 6.

Sredstva namijenjena za odobrene projekte bit će uplaćivana udruženjima na osnovu zahtjeva udruženja i specifikacije troškova projekta, koji se podnose 15 dana prije početka provođenja projekta.

Član 7.

Općina i Udruženje će za svaki odobreni projekat potpisati Ugovor. U slučaju da Udruženje, kojem je odobren projekat, isti ne realizuje ili neadekvatno realizuje, sredstva u cjelokupnom iznosu se imaju vratiti u Budžet Općine.

Član 8.

Isplata odobrenih budžetskih sredstava vrši se u pravilu jednokratno, mjesečno ili tromjesečno, zavisno od dinamike realizacije odobrenog projekta, kao i dinamike priliva budžetskih sredstava. Dinamiku isplate utvrđuje Općinski načelnik na prijedlog nadležne službe.

Član 9.

Korisnici budžetskih sredstava dužni su nadležnoj općinskoj Službi dostaviti finansijski izvještaj najkasnije 15 dana po okončanju projekta.

Za projekte koji traju godinu dana potrebno je dostaviti polugodišnji i godišnji izvještaj.

Ukoliko udruženje ne dostavi izvještaj u roku iz prethodnog stava, Općinski načelnik može obustaviti sufinansiranje udruženja.

Član 10.

Ovaj Pravilnik stupa na snagu danom donošenja, a primjenjuje se od 01.01.2014. godine i biće objavljen na oglasnoj tabli općine Vogošća.

Član 11.

Stupanjem na snagu ovog Pravilnika prestaje da važi Pravilnik broj: 02-05-2769/07 od 08.10.2007. godine.

Broj: 09-14-1906/13

Datuma: 23.09.2013. godine

